

16.02.2025

AKASHVANI AIZAWL

2:30pm

REGIONAL NEWS

CM, MINISTER VISIT

Nimin tuk khan Chief Minister Pu Lalduhoma leh Sericulture minister Pu Lalthansangaten Aizawl Zemabawk North-a Sericulture Complex an tlawh a, hnathawh mek leh hmalak zel dan tur an enpui.

Pu Lalduhoma chuan Sericulture chu department pawimawh tak a nih thu leh Mizoram ei leh bar chawikan nana hmanraw tangkai ber an nih theih thu a sawi a, Central Sawrkar pawhin Sericulture chu a ngaih pawimawh thu leh project engemawzat bawhzui tura ruahmanna an siam mek thu a sawi baw. Mipui-in Sericulture hmanga eizawn an uar theih na'n tuna aia nasa leh zuala an hriatna tihzau a tul thusawiin thawktute pawh tan la turin a fuih a. Sorkar tharah chuan sawrkar hnathawk inthlahdah bik an awm a rem loh thu sawiin,ramin hma a sawn zel theih na'na sawrkar kut leh ke ber chu sawrkar hnathawkte an nih avangin sawrkar chuan a hnathawkte chungah pawh a thikthu a tichhe hma bik a ni a ti baw.

Pu Lalthansanga pawhin department-in hmachhawp lian tak tak a neitih sawiin, Sericulture chu eizawnna tlak a ni, a ti a. Pangang chaw tha ber berho Mizoramah hian a tha duh em em vek nia sawiin, Sericulture hmanga eizawnna hi ramngaw thiat zawng ni lo, ramngaw siam belhna a nih avangin a hlawkna hi kawng hnihin ramn a tel thei a ni, a ti baw.

Chief Minister leh Sericulture Minister te hi Zemabawk North Local Council memberte bakah ZPM party hruaitu ten an tawiawm a; Sericulture Complex chhunga department hmalakna hmun hrang hrang , reeling machine, twisting machine, Cocoon drier-te leh dying machine te bakah hmun hrang hrang an tlawhb kual, Sericulture a thawktute'n an hnathawh dante lo sawifiahin an lo tawiawm baw a ni.

<><><>

CADC VC ROs

March ni 12 a Chakma Autonomous District Council (CADC) huam chhunga Village Council 88 a inthlanna buaipuitu tur ten nimin khan Lawngtlai khua atangin an duty na tur an pan.

State Election Commission-in CADC huamchhunga VC inthlan a puan hnuah Lawngtlai District Election Office-in ruahmanna a lo siam tawh angin inthlanna nei tura buaipui hmasak ngai, chuh tura hming pelut duhte hming pek luh lo dawng turte inhnukdaw duhte tana inhnukhaw theih hun hawn leh mipuite hriattur pawimawh puanzar ngaite thawk turin Village Council 88 a Returning Officer te chuan nimin vek khan an duty-na tur hmun an pan kim ani.

CADC huamchhunga Village Council inthlan chuh ding turte tan February ni 19 thleng hming a pekluh theih a, ni 21-ah hming pekluhte hi endik a ni ang a. Inhnukdaw duh tan February ni 24 thleng hun pek an ni. CADC hnuaia Village Council-a vote tla te hi vote thlak ni vekah chhiar fel a ni dawn a, vote thlak that ngai a awm a nih chuan vote thlak tuk March ni 13-ah thlak that leh tura ruahman a ni a, March ni 17 a VC tinte inpeih fel vek tura tih an nih bakah a tuk March ni 18-ah VC thlan leh a kaihnawih pawh zo fel vek tura ruahman a ni baw.

CADC VC electoral roll thar berah mipa 19,162 leh hmeichhia 18,721 an vaiin mi 37,883 an awm a. VC 88-ah mitin chuh theih bial 428 leh hmeichhe tana hauh bik bial 88 a awm a, a vai a belhkhawmin seat 516 a ni.

CADC huamchhunga Village Council lian ber chu Kamalanagar-I niin hetah hian vote nei mipa 840, hmeichhia 838, an vaiin 1,678 an awm a. Vote nei tlemburna Gobasuri VC-ah vote nei mipa 58 leh hmeichhia 56, an vaiin 114 an awm ani.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar puan leh a ni ang.

<><><>

ASSEMBLY

Tun thla ni 19 atanga tan tur Assembly inkhawm (budget session) atan sorkar dan siam tura duan thar The Mizoram Private Placement Agencies (Regulation) Bill, 2025 leh The Mizoram Urban & Regional Development Bill, 2025 te thehluh a ni tawh.

Assembly secretariat atanga thudawn danin he'ng bill puitling lut zinga a hmasa zawk hi Labour, Employment, Skill Development & Entrepreneurship (LESDE) atanga lut a ni a, a hnunung zawk hi Urban Development & Poverty Alleviation (UD&PA) department atanga lut a ni thung a. He'ng bill pahnih bakah hian Finance department atangin dan siamthat tur The Mizoram Goods & Service Tax (First Amendment) Bill, 2025 chu thehluh a ni tawh bawk a. Higher & Technical Education department-in Mizoram state university bill chu an thehlut tawh bawk na-in official taka dawn fel a la ni lo ni a hriat a ni.

Official Resolution pakhat a lut tawh a, hei hi environment, forests & climate change minister Pu Lalthansanga'n assembly pawmpui tura a putluh tur a nih thu dawn a ni a. Hei hi Parliament-in dan a lo pawm tawh "The Water (Prevention & Control of Pollution) Act" Mizoram assembly in a lo pawmpui (ratify) vena tur ni a thu dawn a ni.

<><><>